



REPUBLIKA E KOSOVËS / REPUBLIKA KOSOVA

GJYKATA THEMELORE GJILAN - DEGA E GJYKATËS KAMENICË

---

Numri i lëndës: 2020:140344

Datë: 19.04.2021

Numri i dokumentit: 01705492

P.nr.218/20

**NË EMËR TË POPULLIT**

Gjykata Themelore në Gjilan - Dega në Kamenicë, gjyqtari i vetëm Sadri Krasniqi, me sekretaren juridike Nora Krasniqi, në lëndën penale kundër të akuzuarit D.D. nga ....., për shkak të veprës penale: Kanosje nga neni 181, parag. 2 të KPRK-së, sipas aktakuzës së PTH-së nga Gjilani PP.II.nr.1366/20, të dt. 08.10.2020, në sencën gjyqësore të mbajtur më 31.03.2021, në prani të Prokurores së Shtetit Bahtie Ademi dhe të akuzuarit D.D., shpalli dhe publikisht komunikoi, ndërsa më datën 19.04.2021 përpiloi këtë:

**A K T G J Y K I M**

**I a k u z u a r i :**

**D.D.**, pa pseudonim dhe emër të rrejshëm, nga i ati Zh., e ëma, S., mbiemri i vajzërisë, Zh., i lindur më ....., në ....., tani ....., me nr. personal ..... serb, shtetas i Republikës së Kosovës, i pa martuar, ka të kryer shkollën e mesme, i pa punësuar, i gjendjes së varfër ekonomike, në bazë të evidencës që disponon kjo gjykatë ka qenë i dënuar edhe më parë për vepra penale.

**Ë s h t ë f a j t o r**

Sepse,

Më datë 18.08.2020, rreth orës 2:00, pas dite në Kamenicë, në dyqanin “ Bona fides “ në rrg” Sylë Zarbinca”, me dashje kërcënoi seriozisht palën e dëmtuar V.a J.nga ..... se do ti bënte ndonjë dëm dhe se do t'i merrte jetën, me qëllim që ta frikësonte, duke e kërcënuar me fjalët , se do të shkonte ta merrte një pushkë automatike dhe për ti vrarë ata, dhe pasi pala e

dëmtuar i tha se do ti thërriste Policinë, i pandehuri D. tha se ai kishte municion të mjaftueshëm për të vrarë atë dhe Policinë, gjë që shkaktoi frikë dhe ankthe te pala e dëmtuar. .

- me ç'rast ka kryer veprën penale: Kanosje nga neni 181, parag. 2 të KPRK-së ,

Gjykata në bazë të nenit të lartë cekur dhe neneve 4, 38, 39, 43, 69 dhe 70 të KPRK-së, lidhur me nenin 248, 365 dhe 451 të KPPRK-së, të akuzuarin D. D.e,

## **G J Y K O N**

Me dënim gjobe (në të holla) në shumë prej **250 € (dyqind e pesëdhjetë euro)**, të cilin dënim ka për ta arkëtuar në afatin prej 15 dite nga plotfuqishmëria e aktgjykimit në dy këste mujore, në të kundërtën, nëse nuk e paguan dënimin me gjobë, i njëjti dënim me gjobë do ti zëvendësohet me dënim burgu ashtu që për çdo 20 €, do ti llogaritet nga një ditë burg.

E dëmtuara V. J. nga ..... “ nuk i bashkangjitet ndjekjes penale dhe nuk parashtron kërkesë pasurore juridike.

Detyrohet i akuzuari D. D., që në emër të paushallit gjyqësor të paguaj shumën prej 20 €, krejt këto në afat prej 15 ditësh nga dita e plotfuqishmërisë së këtij aktgjykimi me kanosje përmbarimi.

Njashtu i akuzuari obligohet që në kuptim të nenit 39, paragrafi 3, nën paragrafi 3.1 të Ligjit për Kompensimin e Viktimave të Krimit, të paguaj shumën prej 30 €, në afat prej 15 ditësh nga dita e plotfuqishmërisë së këtij aktgjykimi me kanosje përmbarimi.

## **A r s y e t i m**

Prokuroria Themelore në Gjilan, me aktakuzën PP.II.nr.1366/2020, të dt. 08.10.2020, ka kërkuar që ndaj të akuzuarit D.D. nga ....., të fillohet dhe shtjellohet procedura penale, për shkak të veprës penale: Kanosje nga neni 181, parag. 2 të KPRK-së, të shpallet fajtor dhe të dënohen sipas ligjit.

Gjykata shqyrtoi aktakuzën dhe pas vlerësimit të së njëjtës dhe shkresave tjera të lëndës konstatoi se aktakuza është e bazuar në ligj, andaj duke vepruar sipas të njëjtës, ka caktuar seancë gjyqësore për shqyrtim fillestar kundër të akuzuarit për dat.31.03.2021, në të cilën seancë gjyqësore pas leximit të aktakuzës nga ana e prokurores së shtetit, i akuzuari D.D., ka deklaruar se e ka kuptuar aktakuzën dhe veprën penale për të cilën akuzohet, njëherit deklaroi se e pranon fajësinë për kryerjen e kësaj vepre penale.

Në shqyrtimin fillestar dhe publik, gjykata pas dëgjimit të palëve ka marrë aktvendim me të cilin ka pranuar pranimin e fajësisë, ngase ka konstatuar se janë plotësuar të gjitha kushtet ligjore për një gjë të tillë. Në këtë aspekt, gjykata ka konstatuar se i akuzuari e ka kuptuar natyrën dhe pasojat e pranimin të fajësisë; se pranimi i fajësisë është bërë vullnetarisht nga i akuzuari, se pranimi i fajësisë mbështetet në faktet e çështjes që përmban aktakuza dhe aktakuza nuk përmban asnjë shkelje të qartë ligjore ose gabime faktike.

Andaj, duke u bazuar në të cekurat më lartë, gjykata e ka vërtetuar këtë gjendje faktike:

- se i akuzuari D. D.me dashje ka kryer veprën penale: Kanosje nga neni 181, parag.2, të KPRK-së, në kohën, vendin dhe mënyrën e përshkruar si në dispozitivin e këtij aktgjykimi, për të cilën vepër penale, gjykata të akuzuarin e shpalli fajtor, ngase veprimet e të njëjtit i përmbajnë të gjitha tiparet e kësaj vepre penale dhe se për të njëjtën është edhe penalisht përgjegjës.

Me rastin e vendosjes për llojin dhe lartësinë e dënimit ndaj të akuzuarit për veprën penale të kryer, gjykata vlerësoi të gjitha rrethanat të cilat në kuptim të nenit 70 të KPRK-së, ndikojnë në shqiptimin e drejtë dhe meritore të dënimit ligjor. Në veçanti për këtë rast si rrethana lehtësuese për të akuzuarin gjykata pati parasysh pranimin e fajësisë nga i akuzuari, gjendjen e vështirë ekonomike të tij në të cilën jeton, se është penduar thellë për veprën penale të kryer, të dëmtuarës i kërkon falje, si dhe premtimin e tij se në të ardhmen nuk do të kryej vepër tjetër penale.

Sipas bindjes së gjykatës, dënimi me gjobë si në dispozitiv të aktgjykimit ndaj të akuzuarit D. D., duke i marrë për bazë rrethanat e përmendura më lartë, është dënim i drejtë, në harmoni me peshën e veprës penale dhe shkallën e përgjegjësisë të akuzuarit.

Gjykata, gjithashtu ka konstatuar se me këtë dënim, mund të arrihet edhe qëllimi i dënimit nga neni 38 i KPRK-së, i cili konsiston në parandalimin e të akuzuarit nga kryerja e veprave penale në të ardhmen dhe të bëjë rehabilitimin e tij; të parandalojë personat e tjerë nga

kryerja e veprave penale dhe të shprehë gjykimin shoqëror për veprën penale, ngritjen e moralit dhe forcimin e detyrimit për respektimin e ligjit.

E dëmtuara V. J. nga ..... “ nuk i bashkangjitet ndjekjes penale dhe nuk parashtron kërkesë pasurore juridike.

Duke pasur parasysh natyrën e kësaj çështje penale dhe gjendjen financiare të akuzuarit, gjyqtari i vetëm gjykues, bazuar në nenin 451 paragrafi 1 i KPPRK-së, ka vendosur që të akuzuarin ta detyrojë për ta paguar paushallin gjyqësor në shumën prej 20 € (Njëzetë euro), si dhe 30 € për Programin për Kompensimin e Viktimave të Krimit, në afat prej 15 ditësh nga dita e plotfuqishmërisë së këtij aktgjykimi me kanosje përmbarimi.

Nga të cekurat më lartë është vendosur si në dispozitiv të këtij aktgjykimi.

**GJYKATA THEMELORE NË GJILAN- DEGA NË KAMENICË,**

P.nr. 218/2020 më datë. 19.04.2021

**Gj y q t a r i,**  
**Sadri Krasniqi d.v.**

**KËSHILLA JURIDIKE:** Kundër këtij aktgjykimi është e lejuar ankesa në afat prej 15 ditësh nga dita e pranimit të aktgjykimit, Gjykatës së Apelit në Prishtinë, përmes kësaj gjykate.